

Norazlina Abd Jalil

From: Mohd Amerul Shafiz Bin Hasbullah <amerul@uum.edu.my>
Sent: Sunday, 17 May, 2020 10:06 AM
To: norazlinaabdjalil@gmail.com
Subject: Fw: 'Terima Kasih' Tanda Penghargaan Kepada Frontliners Negara

Daripada: UUM CORPORATE COMM.
Dihantar: 01 Mei 2020 13:20
Kepada: UUM - All Staff; UUM - All Students
Subjek: 'Terima Kasih' Tanda Penghargaan Kepada Frontliners Negara



UUM Corporate Comm.
Universiti Utara Malaysia

1 MEI 2020 / 8 RAMADAN 1441H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nurul Sahadar Che Nuh (Pelajar Pelatih dari SMMTC)
Gambar oleh: Ihsan Piji Jihat

'TERIMA KASIH' TANDA PENGHARGAAN KEPADA FRONTLINERS NEGARA



UUM ONLINE: Bagi menzahirkan rasa terima kasih kepada petugas barisan hadapan yang berjuang dalam memutuskan rantai wabak Covid-19, sekumpulan pelajar program Pengajian Jarak Jauh (PJJ) UUM telah mendedikasikan lagu 'Terima Kasih' khas buat *frontliners* negara itu.

Pelajar Sarjana Muda Pengurusan Industri Kreatif merangkap penerbit lagu yang dikenali sebagai Piji Jihat berkata, 'Terima Kasih' adalah hasil karya dia bersama tiga lagi rakannya yang tercetus menerusi perbincangan bersama sepanjang tempoh Perintah Kawalan Pergerakan (PKP).

Menurutnya, mereka sering berhubung menerusi panggilan video bercerita tentang situasi negara sekarang, lalu sepakat untuk menghasilkan lagu tersebut sebagai menghargai pengorbanan petugas barisan hadapan negara yang bertugas tanpa jemu untuk memutuskan rantai Covid-19.

"Penghasilan lagu ini agak mudah memandangkan ramai yang terlibat adalah penggiat seni profesional dalam bidang kepakaran masing-masing.

"Selain saya, rakan yang terlibat dalam pembikinan lagu ini adalah Anuar, pemuzik profesional dan bertugas di Universiti Pendidikan Sultan Idris (UPSI), Norizan bertugas sebagai pemuzik sepenuh masa di Dewan Bandaraya Petaling Jaya, manakala Jart Hassan dan Daqmie adalah pencipta lagu, penyanyi dan penulis lirik profesional yang telah berada di dalam bidang ini selama lebih 20 tahun," katanya.

Piji Jihat berkata, dia berharap lagu ciptaan mereka itu akan dapat memberikan suntikan semangat kepada semua petugas sama ada dalam bidang kesihatan atau keselamatan untuk terus berusaha menangani penularan wabak Covid-19.

Mengulas tentang perjalanan karier dan pelajaran, Piji Jihat berkata, walaupun mereka sudah lama dalam bidang industri muzik tanah air, namun keinginan untuk menuntut ilmu masih menebal dalam diri, justeru mereka memilih UUM untuk melanjutkan pengajian di peringkat Sarjana Muda Pengurusan Industri Kreatif.

Menurutnya, mereka ingin memperluaskan diri dalam dunia digital serta menghadapi era Revolusi Industri 4.0 yang lebih mencabar.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.